

UGOVOR O JAVNOJ NABAVCI BROJ OP-31/17 lot 2

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, koju zastupa generalni direktor mr.sci.med.prim.dr. Fuad Husić (u daljem tekstu: **Naručilac**)

i

2. **"Medical" d.o.o.**, sa sjedištem u Mostaru, ulica Maršala Tita 237, ID broj 4227010880008, koju zastupa direktor Jasmin Đonko, (u daljem tekstu: **Izvršilac**).

Ugovorne strane su saglasne u sljedećem:

I Osnova za zaključenje ugovora

Član 1.

Osnov za zaključenje ugovora je Odluka o pokretanju postupka javne nabavke broj 01-3-9656-4/17 od 12.01.2018. godine, u postupku javne nabavke broj OP 31/17 .

Ovim ugovorom ugovorne strane utvrđuju vrstu i količinu robe koju će izvršilac isporučiti naručiocu, međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

II Predmet ugovora

Član 2.

Predmet ugovora je nabavka i isporuka **ultrazvučnog aparata**, za potrebe naručioca, bliže specificirana u ponudi izvršioca, koja je sastavni dio Ugovora.

Predmet ugovora koji se isporučuje mora biti bez ikakvih oštećenja, proizvodnih nedostataka i da zajedno sa pratećom dokumentacijom kao cjelinom, ispunjava postavljene tehničke zahtjeve.

III Ukupna vrijednost ugovora

Član 3.

Ukupna vrijednost ugovora iz člana 2. Ugovora, sa uključenim PDV-om iznosi:

157.950,00 KM

(Slovima: stotinpedesetsedamhiljadadevetstotinašeset KM i 00/100 pf).

IV Obezbjedenje sredstava

Član 4.

Sredstva u iznosu iz člana 3. Ugovora, obezbjedit će naručilac iz namjenskih sredstava Ministarstva zdravstva Kantona Sarajevo.

V Cijena

Član 5.

Za isporučenu robu važe cijene iz tenderske ponude koje se ne mogu mijenjati, a sastavni su dio ovog ugovora.

VI Stupanje na snagu ugovora

Član 6.

Ugovor stupa na snagu danom potpisivanja izvršioca i traje do isporuke predmeta nabavke u skladu sa Aneksom 2 tenderske dokumentacije.

VII Rok i način isporuke

Član 7.

Rok isporuke predmeta Ugovora je najduže u roku do 60 dana od dana prijema narudžbenice.

Isporučilac je dužan, u dogovoru sa odgovornim licem naručioca (šef Službe tehničkih poslova), koji određuje mjesto isporuke predmeta Ugovora, isporučiti predmet nabavke koja odgovara dostavljenoj ponudi, u odgovarajuću organizacionu jedinicu naručioca.

Prilikom isporuke predmeta ugovora isporučilac je obavezan predati ovjerenu i potpisanu izjavu da predmet ugovora nema nikakvih nedostataka i da je u svemu u skladu sa prihvaćenom ponudom.

Član 8.

Predmetna roba mora biti osigurana od mjesta utovara do mjesta odredišta od nastupanja eventualne štete u transportu za koju odgovornost snosi isporučilac.

Ako se zapisnički utvrdi da roba koju je isporučilac dostavio ima nedostatke u kvalitetu i očiglednih grešaka - vidljivi nedostaci, naručilac odmah, bez odlaganja obavještava isporučioca da iste otkloni ili zamijeni robom ugovorenih karakteristika u skladu sa tehničkim zahtjevima iz tenderske dokumentacije.

VIII Garantni rok

Član 9.

Izvršilac je odgovoran za ispravnost predmeta Ugovora u garantnom roku.

Izvršilac odobrava garanciju na predmet ugovora u trajanju od 24 mjeseca, sa svim garantnim pravima.

Izvršilac je obavezan da u garantnom roku obezbijedi servis i rezervne dijelove.

Član 10.

Garancija počinje teći danom stavljanja predmeta Ugovora u funkciju, do kada je izvršilac obavezan, uz isporučeni predmet Ugovora dostaviti i uredno ovjeren garantni list.

Član 11.

U slučaju kvara predmeta Ugovora u garantnom roku, izvršilac je dužan da obezbijedi dolazak ovlaštenog servisera na lice mjesta, u roku koji ne može biti duži od 48 sati, računajući od dana prijema poziva.

Svi troškovi popravke predmeta Ugovora u garantnom roku padaju na teret izvršioca.

Za svaki dan nefunkcionisanja predmeta Ugovora u garantnom roku, garancija se produžava.

Ukoliko izvršilac, u vrijeme trajanja garantnog roka, ne vrati predmet Ugovora u funkcionalno stanje u roku od 30 (trideset) dana, računajući od dana prijave kvara, dužan je da izvrši zamjenu predmeta ugovora sa novim, o svom trošku, koji mora biti istih ili boljih tehničkih karakteristika od ugovorenih.

IX Način i uslovi plaćanja

Član 12.

Nakon stupanja na snagu ovog Ugovora, plaćanje predmeta ugovora vršit će se - u roku od 30 dana od dana ispostavljenе fakture, a koji počinje teći od dana isporuke predmeta ugovora.

Član 13.

Smatra se da je izvršena adekvatna isporuka kada se u mjestu isporuke izvrši kvantitativan i količinski prijem robe, što se potvrđuje zapisnikom koji potpisuju najmanje dva odgovorna lica koje odredi direktor orgnizacije jedinice na licu mjesta i najmanje jedno ovlašćeno lice izvršioca.

Zapisnik iz predhodnog stava i dostavljena faktura naručiocu, predstavljaju osnov za plaćanje ugovorne cijene.

X Obaveze Izvršioca

Član 14.

Izvršilac je obavezan da obezbjedi besplatno sve potrebne idejne predinstalacione projekte i obavi odgovarajuća mjerenja radi adekvatnog pozicioniranja predmeta Ugovora.

Član 15.

Izvršilac je obavezan da izvrši operativno-tehničku edukaciju zaposlenika na predmetu Ugovora na lokalitetu naručioca.

Član 16.

Izvršilac je obavezan da obezbjedi izjavu proizvođača o dostupnosti rezervnih dijelova i servisa na tržištu BiH najmanje 5 (pet) godina nakon prestanka proizvodnje aparata.

XI Ostale odredbe

Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti nalažan Sud u Sarajevu.

Član 17.

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

Član 18.

Ugovor stupa na snagu danom potpisivanja Izvršioca, a sačinjen je u pet primjeraka od kojih naručilac zadržava četiri primjerka (SEFP, šef STP, SPKOP, JN) a izvršilac, jedan primjerak.



Javna ustanova Dom zdravlja
Kantona Sarajevo

Generalni direktor

Mr. sci. med. prim. dr Fuad Husić

0103-2835-2/18

19-03-2018

Medical d.o.o.
Mostar

Direktor

Jasmin Đonko



Broj: 091/18
Datum: 21.03.2018.g.

OBRAZAC ZA CIJENU PONUDE

Naziv ponuđača: MEDICAL D.O.O
 Adresa ponuđača: MARŠALA TITA 237
 Kontakt telefon: 036/557-180
 Kontakt osoba : IBRAHIM STIGLIĆ

Predmet nabavke:
ULTRAZVUČNI OP 31/17

LOT 2

Opis robe	Proizvođač	Godina proizvodnje	Jed. mjere	Količ.	Jedinična cijena bez PDV-a u KM	Ukupna cijena bez PDV-a u KM
Ultrazvučni aparat	GE HEALTHCARE	2018	kom	2	67.500,00	135.000,00
POPUST %					/	
Vrijednost bez PDV-a sa uračunatim popustom					135.000,00	
PDV 17 %					22.950,00	
UKUPNA VRIJEDNOST SA PDV-om u KM					157.950,00	
ukupno sa PDV-om: STOPEDESET SEDAM HILJADA DEVESTOPEDESET KM						

Rok plaćanja: 30 dana od dana ispostavljanja fakture
 Rok isporuke: 30 dana od dana prijema narudžbenice
 Garantni rok: 24 MJESECI
 Mjesto isporuke: JU Dom zdravlja KS

Sastavni dio obrasca sa cijenu ponude je obrazac Tehničke specifikacije za lot 2

Potpis i pečat ponuđača

Ibrahim Stiglic


